

**Broj: 1-11-16-4-3026-30/17**  
**Mostar: 23.04.2018. godine**

Na osnovu člana 17. Zakona o Agenciji za pružanje usluga u vazdušnoj plovitbi Bosne i Hercegovine („Službeni glasnik BiH“, broj: 43/09), člana 70. Zakona o javnim nabavkama („Službeni glasnik BiH“, broj: 39/14), člana 20. i 24. Statuta Agencije za pružanje usluga u vazdušnoj plovitbi BiH („Službeni glasnik BiH“, broj 63/10), člana 85. Pravilnika o javnim nabavkama, broj: 1-02-02-2-2653-1/16 i Preporuke Komisije za javnu nabavku broj: 1-25-16-4-3026-29/17 u postupku javne nabavke materijala za održavanje čistoće, direktor Agencije za pružanje usluga u vazdušnoj plovitbi Bosne i Hercegovine, na osnovu zaključka sa 66. sjednice Uprave Agencije održane dana 18.04.2018. godine, donosi:

### **ODLUKU** **o izboru najpovoljnijeg ponuđača**

#### **Član 1.**

Prihvata se Preporuka Komisije za javnu nabavku broj: 1-25-16-4-3026-29/17 od 21.03.2018. godine i ugovor za javnu nabavku materijala za održavanje čistoće u iznosu od 65.576,05 KM bez PDV-a dodijeljuje se ponuđaču Eurosan d.o.o. Bišće Polje bb, 88000 Mostar, ponuda broj: 1-25-16-4-3026-8/17 od 26.10.2017. godine.

#### **Član 2.**

Ova Odluka objavit će se na web-stranici [www.bhansa.gov.ba](http://www.bhansa.gov.ba), istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

#### **Član 3.**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

### **O b r a z l o ž e n j e**

Odlukom o pokretanju postupka nabavke materijala za održavanje čistoće, broj: 1-11-16-4-3026-1/17 od 08.09.2017. godine utvrđena je procijenjena vrijednost predmetne nabavke bez PDV-a u iznosu od 66.000,00 KM i obaveza sprovođenja otvorenog postupka javne nabavke. Obavještenje o nabavci objavljeno je na Portalu javnih nabavki dana 06.10.2017. godine pod brojem: 1250-1-1-107-3-64/17 i sažetak istog je objavljen u Službenom glasniku BiH, broj 73 od 13.10.2017. godine.

Komisija za predmetnu nabavku, imenovana Odlukom broj: 1-11-16-4-3026-2/17 od 08.09.2017. godine, postupajući u skladu sa odredbama Zakona o javnim nabavkama („Službeni glasnik BiH“, broj: 39/14), Pravilnika o javnim nabavkama, broj: 1-02-02-2-2653-1/16 i navedene Odluke sprovela je predmetnu nabavku i dana, 26.10.2017. godine pristupila otvaranju blagovremeno pristiglih ponuda, a o čemu je sačinjen Zapisnik o otvaranju ponuda, broj: 1-11-16-4-3026-9/17 od 26.10.2017. godine, iz kojeg slijedi da su do utvrđenog roka 26.10.2017. godine do 12:00 časova na adresi Ugovornog organa zaprimljene dvije ponude: ponuđača „LALA I LAĆO DOO BIJELJINA“ pod brojem protokola: 1-11-16-4-3026-7/17 i ponuđača EUROSAN D.O.O. pod brojem protokola: 1-11-16-4-3026-8/17. U skladu sa članom 65. Zakona o javnim nabavkama

(„Službeni glasnik BiH“, broj: 39/14) Komisija je pristupila ocjeni blagovremeno zaprimljenih ponuda.

Otvaranjem ponude ponuđača „LALA I LAĆO DOO BIJELJINA“ utvrđeno je da nedostaje kopija ponude čime nije ispunjen zahtjev Ugovornog organa iz tenderske dokumentacije tačka 15. Način dostavljanja ponuda, gdje je propisano da je ponuđač dužan dostaviti jednu ponudu u originalu i jednu kopiju, pa je to bio razlog za odbacivanje ponude u skladu sa članom 68. stav (4) tačka i) Zakona o javnim nabavkama.

Evaluacijom ponude ponuđača Eurosan d.o.o. utvrđeno je da ponuđač Eurosan d.o.o. Mostar, Bišće Polje bb, Mostar ispunjava uslove za kvalifikaciju, da su svi zahtjevi traženi tenderskom dokumentacijom ispunjeni i da je ponuđena cijena u okviru procijenjene vrijednosti predmetne nabavke Sačinjen je Zapisnik o ocjeni ponude broj: 1-11-16-4-3026-10/17 od 26.10.2017. godine, iz kojeg slijedi da je ponuda ponuđača Eurosan d.o.o. Mostar, Bišće Polje bb, Mostar blagovremena, da je ponuđač ispunio uslove za kvalifikaciju tražene tenderskom dokumentacijom evidencijskog broja: 3026/17 i da je ponuđena cijena u iznosu od 65.576,05 KM bez PDV-a u skladu sa kriterijumom najniže cijene za dodijelu ugovora kao i sa procijenjenom vrijednosti nabavke. Kao takva navedena ponuda je ocijenjena kao najpovoljnija.

Na osnovu člana 14. Odluke o imenovanju Komisije za javnu nabavku materijala za održavanje čistoće broj: 1-11-16-4-3026-2/17 od 08.09.2017. godine, Komisija je sačinila Izvještaj o radu broj: 1-11-16-4-3026-11/17 od 26.10.2017. godine iz kojeg slijedi da su do krajnjeg roka za preuzimanje tenderske dokumentacije istu preuzeli dobavljači:

ITER-COM d.o.o. Zenica; ekapija doo; BBS Europe; R&S D.O.O. SARAJEVO; Defter d.o.o. Sarajevo; LALA I LAĆO DOO BIJELJINA; KECKOM d.o.o., Banja Luka; Eurosan d.o.o.; LATEX D.O.O. i LUKAS TP NAKIĆ d.o.o., a da su u predviđenom roku, propisno zapakovano pristigle dvije ponude, ponuđača LALA I LAĆO DOO BIJELJINA i ponuđača Eurosan d.o.o. Mostar. Nakon evaluacije utvrđeno je da ponuda ponuđača Eurosan d.o.o. Mostar ispunjava sve potrebne uslove pa je u skladu sa članom 14. Odluke o imenovanju Komisije, Komisija uputila Uredu direktora Preporuku o izboru najpovoljnijeg ponuđača, broj: 1-11-16-4-3026-12/17 od 26.10.2017, kojom se preporučuje da se ugovor dodijeli ponuđaču: Eurosan d.o.o. Bišće Polje bb, 88000 Mostar.

Odluka o izboru najpovoljnijeg ponuđača, broj: 1-11-16-4-3026-13/17 od 10.11.2017. godine osporena je žalbom ponuđača LALA I LAĆO DOO BIJELJINA te je Ured za razmatranje žalbi Rješenjem broj: JN2-01-07-1-774-7/17 od 05.02.2018. godine navedenu odluku poništio i predmet vratio ugovornom organu na ponovni postupak sa uputama da se pristupi ponovnoj ocjeni ponuda. Postupajući po navedenom rješenju URŽ-a, ugovorni organ je dana 06.03.2018.g. uputio ponuđačima zahtjev za produženje perioda važenja ponude.

Dopisom od ponuđača Eurosan d.o.o. Mostar od 20.03.2018.g. i Izjavom ponuđača Lala&Laćo d.o.o. Bijeljina od 20.03.2018.godine oba ponuđača su prihvatila produženje roka važenja ponude do 25.05.2018.godine.

Komisija je na početku evaluacije ponuda konstatovala da su ispunjene pretpostavke propisane članom 60. ZJN i pristupila evaluaciji ponuda.

Evaluacijom ponude ponuđača Lala&Laćo d.o.o. utvrđeno je:

1. ponuđač Lala&Laćo d.o.o.o. Bijeljina, dostavio je ponudu sa ukupnom cijenom bez PDV-a 68.774,91 KM čime ponuđena cijena nije bila u okviru procijenjene vrijednosti nabave 66.000,00 KM.
2. nije dostavljena kopija ponude
3. nisu dostavljeni dokazi - uzorci traženi: tehnički list i uzorak za artikle navedene u tački 9. tehničke specifikacije pod rednim brojem: 1; 2; 3; 4; 8; 9; 10; 11 i 12.

Evaluacijom ponude ponuđača Eurosan d.o.o. Mostar utvrđeno je:

1. ponuđač je dostavio svu dokumentaciju traženu tenderskom dokumentacijom i utvrđeno je da su ispunjeni uvjeti za kvalifikaciju.
2. izvršena je analiza obrasca za cijenu ponude i utvrđeno je da nema računskih grešaka.
3. ponuđena cijena je u okviru procijenjene vrijednosti predmetne nabave.

Cijeneći utvrđene činjenice, a u skladu sa članom 68.stav (4) tačka i) ZJN ugovorni organ je odbacio ponudu ponuđača Lala&Laćo d.o.o. Bijeljina iz razloga što **ponuda nije potpuna i ne ispunjava zahtjeve iz tenderske dokumentacije.**

Prikaz vrijednosti dostavljene ponude Eurosan d.o.o. Mostar, Bišće Polje bb,

<i>Ukupna cijena bez PDV-a</i>	<i>65.576,05 KM</i>
<i>Popust</i>	<i>0,00 KM</i>
<i>Ukupna cijena sa popustom bez PDV-a</i>	<i>65.576,05 KM</i>

Na osnovu gore navedenog, a polazeći od Kriterija za dodjelu ugovora - najniža cijena, **članovi Komisije jednoglasno su predložili Ugovornom organu da se ugovor/okvirni sporazum dodijeli ponuđaču:**

**Eurosan d.o.o. Mostar, Bišće Polje bb, Mostar, s ukupnom ponuđenom cijenom u iznosu od 65.576,05 KM (bez PDV-a).**

U postupku donošenja ove Odluke Uprava Agencije nije našla razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Utvrđeno je da je Komisija u svemu pravilno postupila, te da je izbor „Eurosan d.o.o. Mostar“ za najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom i na svojoj 66. sjednici održanoj dana 18.04.2018. godine Uprava Agencije je jednoglasno prihvatila **Preporuku i Izvještaj Komisije za javnu nabavu materijala za održavanje čistoće (ev. broj 3026/17).**

Iz navedenih razloga, a primjenom člana 64. stava (1) tačka b) Zakona o javnim nabavkama, odlučeno je kao u dispozitivu ove Odluke.

**POUKA O PRAVNOM LIJEKU:** Protiv ove Odluke može se izjaviti žalba ugovornom organu najkasnije u roku od 10 (deset) dana od dana prijema Odluke.



*Dostaviti:*

- Eurosan d.o.o. Bišće Polje bb, 88000 Mostar,
- Lala i Laćo d.o.o., 1.maj br.14, 76300 Bijeljina,
- a/a.